



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr. 2412, datë 16.01. 2014**

**Për**

**“Miratimin për Këshillim Publik të dokumentit “Rishikimi i tarifave të terminimit të thirrjeve në rrjetet celulare”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj. Iris Xhanaj, në mbledhjen e datës 16.01.2014, sipas procedurës së përcaktuar në Ligjin nr. 9918, datë 19.05.2008, “Për Komunikimet Elektronike në Republikën e Shqipërisë”, i ndryshuar, dhe ligjin nr. 8480, datë 27.5.1999, “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

**Miratimin për Këshillim Publik të dokumentit “Rishikimi i tarifave të terminimit të thirrjeve në rrjetet celulare**

**B A Z A L I G J O R E:**

1. Neni 7, gërma b) e nenit 8, neni 45, nenet 53-59, neni 110, 114 dhe neni 115 i ligjit nr. 9918, datë 19.05.2008, i ndryshuar “Për komunikimet elektronike në Republikën e Shqipërisë”, (*Ligji nr.9918, i ndryshuar*);

2. Vendimet e KD Nr. 2118-2122, datë 4.07.2012, për miratimin e dokumentit final të analizës së tregut dhe përcaktimin e sipërmarrësve me FNT dhe masat përkatëse rreguluese.
3. Udhëzuesi “Për procedurat e Këshillimit Publik”, miratuar me Vendim nr.1183, datë 10.03.2010 të Këshillit Drejtues të AKEP,

## **K Ë S H I L L I D R E J T U E S:**

Nga shqyrtimi i materialit shkresor të përbërë nga:

- Projekt Vendimi;
  - Relacioni shoqërues i Projekt-Vendimit;
  - Dokumenti për Këshillim Publik;
- si dhe, diskutimeve në mbledhje mbi çështjen, si dhe duke i’u referuar bazës ligjore të sipërcituar,

## **V Ë R E N:**

1. AKEP në dokumentin e Analizës së tregut celular, miratuar me Vendim nr.2118, datë 4.07.2012, dhe me vendimet përkatëse të FNT (Vendimet Nr.2119-2122, datë 4.07.2012), ka miratuar nivelin e tarifave të terminimit të katër operatorëve celularë deri në vitin 2015 apo deri në një vendim-marrje tjetër.
2. AKEP në dokumentin e Analizës së tregut celular të miratuar më 4.07.2012, në Seksionin III.3.IV, është shprehur midis të tjerave se:

*Per periudhen pas 2013 AKEP gjykon se aplikimi i modelit BULRAIC i paster dhe rekomandimit te KE do te ishte menyra me e mire per rregullimin e tarifave te terminimit ne rrjetet celulare. Per te realizuar kete AKEP, do te ndertoje nje model te ri te paster BULRAIC ose do te perdore nivelin benchmark te vendeve qe e kane ndertuar keto modele per percaktimin e tarifave te terminimit ne rrjetet celulare (sipas rekomandimit te KE), si dhe do te ndjeke te gjitha procedurat e konsultimit publik dhe njoftimit te paleve te interesuara per keto procedura.*

3. Kryetari i AKEP me Urdhërin nr.1076, datë 6.12.2013, ka ngritur një Grup Pune për “Hartimin e dokumentit rregullator për rishikimin e nivelit të tarifave të terminimit në rrjetet celulare”. Në vijim të këtij Urdhëri, AKEP njoftoi operatorët për fillimin e procedurës për rishikimin e tarifave të terminimit në rrjetet celulare dhe Grupi i Punës zhvilloi një takim me operatorët celularë më datë 13.12.2013. Në takim operatorët dhanë disa opinione paraprake për çështje të tilla si:
  - Efekti i asimetrisë së tarifave në pagesat midis operatorëve
  - Asimetri v simetri
  - Transparencën e procesit dhe metodës së përcaktimit të tarifave

4. Grupi i Punës i ngritur me Urdhërin nr.1076, datë 6.12.2013, ka përgatitur dokumentin: *Rishikimi i tarifave të terminimit të thirrjeve në rrjetet celulare*. Dokumenti i përgatitur përmban midis të tjerave:
  - një historik të ecurisë së nivelit të tarifave të terminimit të thirrjeve në rrjetet celulare në Shqipëri;
  - tarifatat mesatare në vendet e BE dhe rajonit (sipas publikimeve të KE dhe BEREC)
  - propozimin për rishikimin e nivelit të tarifave të terminimit celular në Shqipëri
  - efektet e pritshme të reduktimeve të propozuara të tarifave të terminimit celular
5. Grupi i Punës në përgatitjen e dokumentit të përgatitur ka marrë në konsideratë:
  - Rekomandimin e Komisionit Evropian të datës 7 Maj 2009 (2009/396/EC)
  - Të dhënat e Komisionit Evropian të publikuara për Axhendën Dixhitale të BE
  - Të dhënat e publikuara nga BEREC për tarifatat e terminimit në rrjetet celulare
  - Të dhëna të publikuara nga Cullen International në lidhje me aplikimin e LRIC të pastër
  - Kushtet aktuale të tregut celular në Shqipëri
  - komentet paraprake të shprehura nga operatorët në takimin e datës 13.12.2013
6. AKEP, vlerëson se dokumenti për këshillim publik, *“Rishikimi i tarifave të terminimit të thirrjeve në rrjetet celulare”*, përbën një dokument të rëndësishëm rregullator për realizimin e objektivave të AKEP për nxitjen e konkurrencës në tregun celular dhe maksimizimin e përfitimeve të përdoruesve fundorë nga shërbimet celulare, dhe është përgatitur në përputhje me kuadrin ligjor dhe rregullator përkatës, duke marrë në konsideratë rekomandimet dhe vendimet përkatëse të Komisionit Evropian dhe BEREC-ut
7. Për këtë qëllim, AKEP në zbatim të ligjit nr. 9918, datë 19.05.2008, i ndryshuar dhe në përputhje me Udhëzuesin e Procedurave për Këshillimin me Publikun miratuar me Vendim të Këshillit Drejtues të AKEP, nr. 1183, datë 10.03.2010, në kuadër të transparencës çmon si të arsyeshme nxjerrjen për Këshillim Publik të dokumentit *“Rishikimi i tarifave të terminimit të thirrjeve në rrjetet celulare”*.

### **P Ë R K Ë T O A R S Y E:**

Këshilli Drejtues, duke marrë në konsideratë rëndësinë e publikimit të dokumentit të cituar, bazuar në pikën 1 të nenit 114, dhe pikën 1 të nenit 115 të ligjit nr. 9918, i ndryshuar,

## **V E N D O S:**

1. Të miratojë për Këshillim Publik dokumentin “*Rishikimi i tarifave të terminimit të thirrjeve në rrjetet celulare*”, sipas dokumentit bashkëlidhur;
2. Periudha e Këshillimit Publik të jetë 30 ditë nga data e publikimit të dokumentit në Internet në faqen zyrtare të AKEP;
3. Ky Vendim të publikohet në faqen e internetit të AKEP [www.akep.al](http://www.akep.al).

Ky Vendim hyn në fuqi menjëherë me miratimin e tij.

**K R Y E T A R I**

**Piro XHIXHO**

## **ANËTARËT E KËSHILLIT DREJTUES:**

1. **Alban KARAPICI**
2. **Alketa MUKAVELATI**
3. **Benon PALOKA**
4. **Zamira NURÇE**